



# Kej kawm ntawv tshwj xeeb Kej Rov Ntsuam Xyuas

## Special Education–Reevaluation

FAPE-9 Hmong Translation

Yog koj tus me nyuam yeej tau txais kev kawm ntawv tshwj xeeb lawm, nws yuav tsum muaj kev rov ntsuam xyuas dua yam tsawg 3 xyoos twg ib zaug los sis ntau tshaj ntawd yog tsim nyog lawm. Lub hom phiaj ntawm kev rov ntsuam xyuas kuj yog:

- Xyuas seb tus me nyuam puas tseem muaj kev tsis taus thiab puas tsim nyog muab kev kawm ntawv tshwj xeeb thiab kev pab cuam nrog los pab mus ntxiv lawm;
- Txheeb xyuas seb tus me nyuam kawm tau ntawv li cas thiab txheeb xyuas qhov yuav los pab tau nws txoj kev kawm;
- Txheeb xyuas seb puas tsim nyog hloov tej yam hauv tsab ntawv teeb kev kawm ntawm tus kheej (IEP) kom los pab tau tus me nyuam:
  - ✓ kawm tau raws li tej hom phiaj thiab tej qib duas uas muaj nyob hauv tsab IEP
  - ✓ mus kawm tau nrog ib tsoom, yog tsim nyog lawm

**Kej rov ntsuam xyuas tsis txhais tau tias yuav muaj kev twv ntau ntxiv.** Yog koj sau ntawv mus hais kom muaj kev rov ntsuam xyuas seb koj tus me nyuam puas yuav yuav kev pab lawm, los sis txawm peb xyoos lawm uas yuav tau muaj kev rov ntsuam xyuas dua, ib tug hauv tsev kawm ntawv yuav los teem ib lub caij rau pab neeg npaj kev kawm rau koj tus me nyuam (IEP team) tuaj sib tham xyuas cov ntaub ntawv uas yeej muaj tseg thiab nrog koj tham. Koj yog ib tug ntawm pab no. Qhov tseeb mas yeej muaj cov kauj ruam yuav taug mus li hais hauv no:

1. Pab no yuav los tshawb xyuas cov ntaub ntawv ntsuam xyuas tau thiab qhov koj tus me nyuam twv tau, nrog rau qhov koj tau hais qhia rau tsev kawm ntawv. Kej tshawb xyuas no yuav muaj qhov cov xib fwb qhia ntawv los sis lwm tus tub txawg hauv tsev kawm ntawv tau soj pom thiab muaj qhov txheeb xyuas tau nyob hauv chav kawm.

2. Pab no yuav los xyuas seb puas tsim nyog muab ntaub ntawv rau nws twv ntxiv kom tshawb xyuas tau tias koj tau me nyuam puas tseem muaj kev tsis taus uas tsim nyog yuav tau muab kev kawm ntawv tshwj xeeb thiab kev pab cuam nrog los pab nws, thiab tshawb xyuas nws txoj kev kawm tau ntawv tam sim no thiab tshawb qhov yuav los pab rau nws txoj kev kawm.
3. Cov lis dej num hauv tsev kawm ntawv yuav sau ntawv qhia kom koj paub txog qhov pab no tau txiav txim siab ua, thiab yuav tsum qhia rau koj tias yog vim li cas thiaj tau txiav txim siab li ntawd.
4. Muaj ntau yam pab no yuav ua tau. Tej zaum pab no yuav txiav txim siab tias:
  - a) **Tsis tas yuav ntsuam xyuas ntxiv.** Cia li teem lub caij rau pab no tuaj tsim los sis kho tsab ntawv teeb kev kawm ntawm tus kheej (IEP). Koj yuav caw tau tus paub txog los sis tus yuav pab tau koj tus me nyuam tuaj koom lub rooj sab laj no nrog koj, thiab koj yuav hais kom muab lub rooj sab laj no teem rau lub caij uas koj yuav mus koom tau. Lub caij saj laj ntawd yuav hloov tau rau lwm lub caij yog koj mus koom tsis tau.
  - b) **Yuav tsum muaj kev twv rau koj tus me nyuam ntxiv.** Pab no yuav hais kom koj sau ntawv tso lus ua ntej thaum yuav muab tau tej kev twv tshiab rau koj tus me nyuam ua. Yog koj tsis pom zoo kom muaj kev twv ntxiv, koj yuav tsum hais ua ntawv zias tias koj tsis pom zoo.
5. Yog pab no pom tias tsis tas yuav muaj kev kawm ntawv tshwj xeeb los pab rau koj tus me nyuam lawm, koj muaj txoj cai hais kom tsev kawm ntawv muab kev ntsuam xyuas ntxiv. Pab no yuav tsum qhia koj txoj cai li hais no rau koj.
6. Koj muaj cuab kav siv tau cov lus nug txog kev ntsuam xyuas thawj zaug rau lub rooj sab laj txog kev rov ntsuam xyuas (mus saib daim ntawv piav txog kev ntsuam xyuas).



**Families and Advocates Partnership for Education (FAPE)**

FAPE Coordinating Office: PACER Center, Inc. 8161 Normandale Blvd., Minneapolis, MN 55437  
952-838-9000 voice ~ 952-838-0190 TTY ~ 952-838-0199 fax ~ 1-888-248-0822 toll-free

Web site: [www.fape.org](http://www.fape.org) ~ E-mail: [fape@pacer.org](mailto:fape@pacer.org)

Readers are encouraged to copy and share this information, but please credit PACER Center.